


Kĩrathi gĩa Gacambi gĩkoragwo na arutwo aingĩ mũno. Arutwo acio makoragwo matukanĩte tũirĩtu na tũmwana. Othe nĩmeriragĩria gũtuĩka andũ anene. Mwarimũ wao nĩ amathomithagia wega mũno.






Mũthenya ũmwe mwarimũ nĩ amoririe wĩra o ũrĩa mũndũ angĩenda gũkaruta arĩkia cukuru. Arutwo amwe makiuga mangĩenda gũtuĩka arimũ. Arĩa angĩ ahũri a mbiacara na ũmwe mũtwari wa ndege. Arĩa aingĩ, Gacambi e ho, moigire mangĩenda gũtuĩka mandagĩtarĩ.





Mwarimũ nĩ akenirio nĩ macokio macio. Nĩ
amerire mathoome na kīyo nĩguo merirĩria
mao magakinyanĩra. Mwarimũ nĩ amerire atĩ nĩ
arĩmatwara gũcera thibitarĩ ĩmwe ĩtarĩ kũnene na
cukuru.





Mbere ya gũthiĩ thibitarĩ mwarimũ nĩ atarĩirie arutwo mĩthemba ya thibitarĩ. Nĩ kũrĩ thibitarĩ iria ciakĩtwo nĩ thirikari kũndũ na kũndũ. Ningĩ nĩ kũrĩ thibitarĩ cia andũ kũmbe. Nĩ kũrĩ ingĩ cia ikundi itiganĩte ta cia mawĩtĩkia.





Mwarimũ nĩ amerire atĩ thibitarĩ nene ta ñyo marathiĩ ñkoragwo na mandagĩtari aingĩ mũno. Mandagĩtarĩ atiganu makoragwo mathomeire kũrigita mũrimũ itiganĩte. Ũguo nĩ kũrĩ mandagĩtarĩ a mũrimũ ngũrani.





Maakinya thibitarĩ nĩmonire andũ maikarĩte thĩ handũ hamwe. Mũrũgamĩrĩri wa thibitarĩ nĩ amerire atĩ acio maarĩ arũaru. Metereire kũingĩra kuona mandagĩtarĩ. O mũndũ aingĩraga ihinda rĩake e wiki.






Nĩ amatwarire mūrango-inĩ wandīkītwo Ndagītariĩ wa Magego. Nĩ amerire atĩ ndagītariĩ ũcio arigitaga andũ arĩa mena thĩna wa magego. Ningĩ nĩ ataraga andũ ũrĩa magĩrĩire kũmenyerera magego. Ndagītariĩ nĩ amerire rĩmwe magego nĩmagĩaga na marima na magatuura mũno.






Amerire atĩ kaingĩ marima ta macio marehagwo nĩ kũrĩa indo ciĩna cukari mũingĩ. Gacambi nĩ endire kũmenya indo icio cia cukari. Ndagtarĩ nĩ amerire nĩ ta thwiti, cokerĩti, na mũthugwiti. No magego ma mbere ma ciana nĩ mainainaga na makoima.






Kuma hau mathire kuona ndagĩtarĩ wa maitho.
Nĩ amerire atĩ rĩmwe maitho nĩmagaga hinya wa
kuona wega. Ndagitarĩ nĩ aheaga mūrũaru macicio
ma kuongerera maitho hinya. Mbere ya kũheo
macicio no nginya ndagĩtarĩ ambe athime. Ningĩ nĩ
kũrĩ mĩrimũ ãngĩ ya maitho marigitaga.






Nĩmaceereire mandagĩtarĩ angĩ aingĩ ta a mĩrimũ
ya ngothi na a mũrimũ wa higo. Ningĩ a mũrimũ wa
cukari na a mĩrimũ ya ngoro. Nĩmonire mandagĩtarĩ
a mĩrimũ ya ciana, a mĩrimũ ya atumia na angĩ
aingĩ. Mandagĩtrĩ aya othe me kĩyo mũno na
nĩmakenaga mũno mũrũaru ahona.





Nĩ amerire atĩ arwaru arĩa makomaga wondi nĩ arĩa ahote makĩria. Makomaga nĩ getha makorwo me hakuhĩ na mandagĩtarĩ. Nĩmaheagwo ũrigitani ũrĩa ũrendeka na ihenya. Nĩ gũkoragwo na wondi cia arũme, cia atumia na cia ciana. Nĩ kũrĩ aruti wĩra angĩ aingĩ thibitarĩ-inĩ.





Marĩkia iceera mwarimũ nĩ acokirie ngatho. Arutwo
nao nĩmakenire nĩ gũthooma maingĩ. Nĩa merirĩirie
gũthooma na kĩyo nĩguo matuĩke mandagĩtarĩ.
Nĩ mamenyire atĩ mĩrimũ mĩingĩ no ĩrigĩrĩrio na
kũrigĩrĩria nĩ kwegwa gwĩ kũhonia.

